



欽定皇輿西域圖志

ル 5
104
23

三



凡5
204
23



欽定皇輿西域圖志卷四十五目錄

藩屬二

東布魯特

西布魯特

霍罕

安集延

瑪爾噶朗

那木干

塔什罕

欽定皇輿西域圖志卷四十五 目錄

支那錢所
那有

目不一。而邁塔克爲首。戶四千有奇。諸頭目不相統屬。推一年長者有事則告。俾與聞而已。頭目之長瑪木克呼里。則兼轄諸部。其俗好利喜爭。尙畜牧。事耕種。頗畏法度。舊游牧地。在格根噶爾奇拉。特木爾圖。爲準噶爾所侵。西遷寓居安集延。及準噶爾平。乃得復其故地。乾隆二十三年。將軍兆惠等追捕逆賊哈薩克錫拉。兵臨布魯特界。圖魯起拜等願內附。乃遣侍衛烏爾登。托倫泰往撫。行數日。抵其游牧珠穆翰。恭捧

諭旨宣讀畢。薩雅克。薩拉巴。哈什。兩鄂拓克人衆。俱

以手加額。望

闕叩首而言曰。我部久思投誠

大皇帝。爲準噶爾間阻。不能自通。今得爲

天朝臣僕。實望外之幸。言訖。復環向叩首。歡聲殷地。

時塔拉斯頭目邁塔克子額什博洛。適在其地。亦願率所部來降。托倫泰與俱往。行六日至其地。撫定其衆。於是東布魯特全部皆內附。馬木特呼里。年九十餘。形體肥。平時趺坐。腹垂至地。

不能遠行。乃遣頭目車里克齊圖魯起拜。尼沙
三人獻牛羊百頭。謁軍門。因令入

覲

詔扈木蘭行圍。

賜宴萬樹園。觀燈火。三人者之至我軍也。將軍兆惠
等與之筵宴。令觀軍營武藝。咸驚詫曰。

天朝弓矢之利。向固聞之。至於有發必中。層甲洞穿。
馬上三鎗連發。五箭左右連射。離馬及地。騰躍
而起。此種奇特。實罕聞見。彼準噶爾殘虐不道。

固宜破滅。哈薩克素稱富強。望風款附。何有於
我等區區小部落乎。相與駭歎不置云。其地北
極高四十一度三十分。至四十二度。距京師偏
西四十一度三十分。至四十三度三十分。其在
自古爲烏孫西鄙地。其別部酋長額木爾貝。於
二十六年。率所部內遷。遣弟穆魯特歸誠。願受
安插。貢匕首。

帝嘉之。賜額木爾貝三品頂帶。

御製布魯特稱臣內屬遣使詣闕詩以記事

戊寅
有序

布魯特為回部別族素與中土聲教不通因此逆
回小和卓木背恩反覆戕我使臣既命將往征屢
戰大捷而將軍兆惠亦以搜捕伊犁賊黨旋師會
剿道經布魯特界其酋長圖魯起拜等遮道呼籲
自陳向為厄魯特所阻自外王化今西域蕩平所
部人眾皆願輸誠內屬並各遣其大首領馳驛赴
闕納款念此遐荒殊域固未脅以兵威亦非馭以
智術望風歸附情詞諄懇已允將軍等所請許其
携從入覲而并識其緣起如此

撻伐原因討逆回仰流詎意遠人徠舊傳勃律兩王

據唐書西域傳有大小勃律王其地直吐蕃西去長安八千里以方域考之即今布魯特部落

見堅昆一面摧回部葉爾羌喀什噶爾之地西即與布魯特連界今布魯特內附則已斷

其一厚往薄來風早樹東鷓西鰈道方開不招不拒

敷吾惠王會何妨達九垓

御製布魯特使臣至宴賜卽席得句戊寅

七戎舜教遠難稽布露通唐付狄鞮布魯特自古未

西域傳始載布露或云勃律有大兩部昔兩王稱

大小人今一派別東西布魯特有東西之號在東者

王其時雖稱內屬不過羈縻勿絕而已分鄂拓克為五在西者分鄂

拓克為新恩恰值伊綿峪布爾圖昂阿乙亥歲平準

朝於此丁丑歲哈薩克歸化其使臣亦適朝觀於此地

靈佳兆有如神奇者因名其峪曰舊識兼逢達瓦

齊時達瓦齊扈駕預宴詢諸使臣知勤遠拓邊凜古

戒捧盈恭已奉

天禋

御製萬樹園宴布魯特即席得句戊寅

鱗集仰流鹿食萃筵開萬樹洽輿情舊藩每看聯新

部夜雨剛欣湊午晴聲教遠通娑夷水恩膏直逮孽

多城敢云揚百里

烈

幸無忝惟益臨深勵守成戊寅

御製萬樹園賜布魯特人觀燈火戊寅

錘峯正掛玉輪盈時九月夕合燦烟花愜遠情卉服毳

裳朝麗正山莊正逃疎矧爽耀光明從來不識燈王

法布魯特本回部不幻裏疑遊迦布城彼處歲歲山

莊行盛典心殷保泰益屏營

御製布魯特額木爾貝所獻七首歌壬午

回部大定興農耕分駐宣撫留朝卿其中喀什噶爾

城近外部落嚴候偵有布魯特馳使伴厥長額木爾
 貝名獻玉七首來輸誠佞盧回書仍左行譯出一一
 伸葵傾向因路阻兇醜兵戡逆靖亂今太平地為王
 土人王氓貢物表敬慙菲輕驛致金闕由海明時侍
明駐略開匣尺八居然呈龍鱗其室楹以頰玉柄金
什噶爾鏤象鼻形抽看光如波溢青月芽直芒披電星封還
 銷鑄胥矯情咸賓用識王道貞

北史西域志波路國在阿鈎羌西北去代一萬
 三千九百里

唐書西域傳大勃律或曰布露直吐蕃西與小
 勃律接萬歲通天逮開元時三遣使者朝小勃
 律去京師九千里而贏東少南三千里距吐蕃
 贊普牙東八百里屬烏菴東南三百里大勃律
 南五百里箇失蜜北五百里當護蜜之娑勒城
 王居孽多城臨娑夷水其西山巔有大城曰迦
 布羅開元初王沒謹忙來朝元宗以兒子畜之
 以其地為綏遠軍國迫吐蕃數為所困吐蕃曰
 我非謀爾國假道攻四鎮爾久之吐蕃奪其九

城沒謹忙求救。北庭節度使張孝嵩遣疏勒副使張思禮率銳兵四千倍道往。沒謹忙因出兵大破吐蕃。復九城。詔册爲小勃律王。沒謹忙死。貢獻不入。安西都護三討之。無功。天寶六載。詔副都護高仙芝伐之。遂平其國。於是拂菻大食諸胡七十二國皆震恐。咸歸附。執小勃律王歸京師。詔改其國號歸仁。置歸仁軍。按今布魯特爲唐之布露。一名勃律。御製詩注。辨晰精詳。誠地志之指南。灼千古而無惑。

者矣。至唐以來。沿革之概。亦有可推而見者。考漢書云。烏孫南與城郭諸國相接。所謂城郭諸國者。指天山以南葱嶺以東之三十六國而言。東自車師。西迄疏勒。其直北之境。皆與烏孫接。特烏孫在山北。諸國在山南耳。今之喀什噶爾。古疏勒地。踰山而北。卽今東布魯特之薩雅克。薩拉巴。哈什諸部落。其境亦正相直。此可見東布魯特之在漢。尙爲烏孫地矣。又云烏孫本塞地。大月氏西破走塞王。

塞王南越縣度。大月氏居其地。後烏孫昆莫破大月氏。大月氏西臣大夏。而烏孫昆莫居之。是月氏未爲烏孫所破時。實居塞王故地。在葱嶺之北也。又云。烏秣國西有縣度。烏秣爲今拔達克山。據此則縣度山在今葱嶺南。拔達克山西。而塞王故地。當在拔達克山東北也。塞王南越縣度之後。地屬月氏。月氏西臣大夏之後。地屬烏孫。今東布魯特諸部。正當葱嶺之北。拔達克山東北。是卽昆莫當時

其最著者四。曰額德格納鄂拓克。曰蒙科爾多爾鄂拓克。頭目阿濟比兼轄之。戶七百有奇。曰齊里克鄂拓克。頭目由瑪特。戶二百有奇。曰巴斯子鄂拓克。頭目噶爾任。戶千三百有奇。部落雖分而駐牧同地。東南扼葱嶺。西迄於布哈爾諸部落。共二十萬人。逐水草。事遊牧。漢休循捐毒故地也。久思內附。以準噶爾阻未得通。乾隆二十四年。將軍兆惠既定喀什噶爾。追捕餘孽。道經諸部。遮道籲請內附。乃遣二等待衛達克

塔納等往撫。阿濟比奉將軍書曰。額德格納布魯特小臣阿濟比。恭祝

大皇帝萬萬壽。恭呈如天普覆。廣大無外。富有四海。乾隆大皇帝欽命將軍之前。今將軍自喀什噶爾傳諭我部。頒給印文。謹已奉到。不勝踴躍。適慰心想。當率諸部。自布哈爾迤東二十萬人衆。皆作臣僕。兆惠嘉其誠。表於朝。

詔受之。由是十五部落皆內附。諸頭目以未出痘。不西走月氏之地。爲烏孫西鄙無疑。漢書又稱烏孫不田作種樹。隨畜逐水草。與匈奴同俗。今東布魯特諸部。無城郭。逐水草。與迤東之準噶爾同俗。是固烏孫之舊也。過此以西。則爲霍罕。安集延。瑪爾噶朗諸城。是皆土著有城郭。爲漢大宛地。蓋漢時烏孫西與大宛接壤。而大宛與烏孫異俗。史記稱其土著耕田。有城郭宮室者是也。又按北史波路國在阿鈎羌西北。而阿鈎羌國在莎車西南。西有縣

度山。以漢書烏秣國西有縣度之文証之。則阿鈎羌國。當與今拔達克山連壤。魏時波路在阿鈎羌西北。今布魯特在拔達克山西北。形勢相合。而波路之與布魯。音亦相同。外藩字無正音。稱名類由口授。積久沿訛。猶得與初稱近似者。蓋往往而有矣。

西布魯特。

西布魯特。在喀什噶爾西北三百里。道由鄂什踰葱嶺而至。與東布魯特相望。部落凡十有五。

敢入中國。乃遣由瑪特之兄名呼達里者。朝

京師。

覲於盤山靜寄山莊。

賜宴。與觀南苑大閱。及燈火。二十五年。正月額德格

訥阿濟比。遣使錫喇嘛噶斯等來朝。

賜宴。八月遣侍衛索諾木等往

賜勅。郊迎祗受如禮。二十七年。額德格訥阿濟比所

屬鄂斯諸處。為霍罕額爾德尼侵據。令駐守新

疆尙書永貴等遣諭額爾德尼。還所侵地。其地

北極高四十度一分。至三十分。距京師偏西四十三度三十一分。至四十六度三十分。二十八年。其別部阿瓦勒比。願以其部供內地游牧。并悉心經理牧羣事宜。

帝嘉之。

賜四品頂帶。

漢書西域傳休循國。王治烏飛谷。在葱嶺西。去長安萬二千一百一十里。東至都護治所三千一百二十一里。至捐毒衍敦谷二百六十里。西北至

大宛國九百二十里。西至大月氏千六百一十里。民俗衣服類烏孫。因畜隨水草。捐毒國。王治衍敦谷。去長安九千八百六十里。東至都護治所二千八百六十一里。至疏勒南。與葱嶺屬。西上葱嶺則休循也。西北至大宛千三十里。北與烏孫接。衣服類烏孫。隨水草。依葱嶺。

按漢書休循捐毒。皆在葱嶺外。二國相屬。附葱嶺而居。今喀什噶爾西鄂什一帶。連屬葱嶺。休循捐毒。當在其西北麓。班史所謂西上

葱嶺者。由鄂什口西出葱嶺也。今西布魯特之蒙科爾多爾諸部落。道由鄂什出葱嶺。則諸部正當其麓。應卽休循捐毒故地。且在安集延霍罕有城郭諸國之東南。正班史所謂西北至大宛國也。又烏孫西逐月氏而據其地。休循捐毒。境界毗連。捐毒南直疏勒。北與烏孫據有月氏之境相屬。故風俗衣服類烏孫。以月氏之先。本塞王地也。以一方形勢考之。北則烏孫據有月氏之地。南則捐毒。捐毒

以西則休循。大宛則當二國之西北。而東與烏孫據有月氏之地接。以今之東布魯特。當古烏孫據有月氏之地。今之西布魯特。當古休循捐毒二國地。在今則爲無城郭之部落。遺墟故俗。大略可見。又休循去都護治所三千一百二十一里。捐毒去都護治所二千八百六十一里。相距不及三百里。以兩國戶口考之。大小相等。其地實不過六百里。以今布魯特之蒙科爾多爾。齊里克。巴斯子諸部落

核之。殆不啻兼有兩國之地矣。

霍罕。

霍罕。在鄂什西北七百八十里。喀什噶爾西北八百八十里。東與布魯特部落錯處。其東爲瑪爾噶朗。又東爲安集延。東北爲那木干。皆有城郭。四城地當平陸。南控葱嶺。北濱那林河。河流從東布魯特境西行。過安集延城北。又西過瑪爾噶朗城北。又西過那木干城北。又西過霍罕城南。又西北行過賽瑪爾堪城北。又東南入於

大皇達里岡阿鄂謨。南北山泉。支流會合。襟帶諸城之間。土膏沃衍。氣候和煦。人民殷庶。畜牧饒富。其人亦布魯特種。奉回教。習帕爾西語。則皆古之大宛國也。諸城皆有伯克。而霍罕城伯克額爾德尼爲之長。衆咸聽命。乾隆二十四年。將軍兆惠追捕霍集占。遣侍衛達克塔納等撫定布魯特諸部。遂至其地。額爾德尼伯克遣都官伯克迎至城內。日饋特羊瓜果酒米。又氈毼馬匹諸物。感慕悅服。備極誠敬。使旋。乃遣頭目托克

托瑪哈墨第等謁軍門。賚奉額爾德尼等恭進
皇上表文。併上將軍書曰。額爾德尼伯克等請
大皇帝欽差統兵。至威至勇將軍等安。仰賴

上天之德。

大皇帝洪福。我等羣生亦獲安業。聞將軍至葉爾羌。
喀什噶爾後。布魯特哈薩克等眾部落。俱傳檄
安定。而我部檄書未至。日夜以冀。幸侍衛賚將
軍書來。我等得為
大皇帝臣僕。永受康寧。不勝感悅。於是四城咸內附。

二十五年正月。遣安集延伯克托克托瑪哈墨

第來朝。詳安集延條。九月。額爾德尼遣使貢馬。二十

七年貢白鷹。二十八年額爾德尼遵駐守新疆。

尚書永貴等檄還所侵布魯特地。二十九年

賜勅訓諭額爾德尼。并免通信喀什噶爾伊沙噶伯

克阿伯都喇伊木罪。是年貢白海青。三十五年

額爾德尼卒。姪納祿博圖襲為伯克。遣使來朝。

貢龍泉盤子。其地北極高四十一度二十三分。

距京師偏西四十五度五十六分。

御製白鷹歌 壬午

霍罕額爾德尼伯克所進歌以紀事

受將軍檄遮賊魁設罟未入慚雉媒

逆會霍集占兄弟窮竄至拔達

克山獻馘而安集延霍罕諸回部一奉軍門劄並請設計誘擒雖逆會未及取道而先後悃忱備著捧

首以降心無乖方物屢獻表賓徠每教厚往而薄來

九經正義誠昭哉白鷹今復致鷲材雪毛金脚刷羽

皚下鞞目不留狼豺鵠師赤養皆旗回

回人養鷹鵠者謂之鵠師

赤居之京師隸八旗葡萄銀肉那可儕開門揖盜謀非佳博觀

今古益凜懷作歌匪詡荒遐開

御製白海青歌

有序甲甲

霍罕汗額爾德尼嚮風款塞獻白海青一重數譯

而達京師所謂積雪全映飛花碎點信鷲鳥之奇

特者也金元以來賦海青者率目為海東之產故

黃有扶餘東溟之詠今林丞所掌金眸玉爪迥異凡

材者蓋習見習聞茲霍罕地在玉門萬里外於古

為大荒以西順秋氣而應瑤光其精明俊竦為金

方之英固宜既命郎世寧繪圖狀其神貌更賦七

言長句以紀其實匪若天馬興歌極鋪張誇詡之

爲亦如旅獒底貢深持盈慎德之思耳

海東翻飛下海西

海青本名

變青爲白斯更奇東木

西金五行配各從其色非人爲霍罕部在天山右其

汗名額爾德尼攄誠通貢致方物鞫來鷲鳥隨譯鞮

黃睛玉爪氣雋逸素翹皓羽光陸離籠育林監昭遠

服爲之造屋誠無稽

見元史

豪騰雄擊都弗藉純精明

潔亶宜題瑞圖越裳漫比擬寫形傳實寧可遺寫形

傳實寧可遺久安永奠殷吾思

御製詠龍泉盤子

有序庚寅

向侍衛自吐魯番迴者曾攜一盤至亦既有詩紀
事此盤乃霍罕所貢霍罕安集延部類相近而霍
罕爲之長舊伯克額爾德尼今其姪納祿博圖襲
爲伯克其地蓋遠於吐魯番數倍使使者貢萬壽
並告新用事因成是什錄實

古宋龍泉世頗稀云何外域尙或有吐魯番器昔訝
看霍罕包貢令復走不寶厚往致頻來所嘉彼亦知
獻壽質厚色葱弗茅蔑

出遵生八牋磁器開路曰蔑少損曰茅

定審之

下斯掄首趙家幅員未逮彼彼何以得故難剖長言

紀實非玩物更厯深意慎所守

史記大宛傳大宛在匈奴西南。在漢正西。去漢可萬里。其俗土著耕田。有城郭屋室。其屬邑大小七十餘城。其北則康居。西則大月氏。西南則大夏。東北則烏孫。東則扞采于寘。

漢書西域傳大宛國。王治費山城。去長安萬二千五百五十里。東至都護治所四千三十一里。北至康居卑闐城千五百一十里。西南至大月氏六百九十里。北與康居南與大月氏接。宛別

邑七十餘城。多善馬。張騫始爲武帝言之。上遣使者持千金及金馬以請宛善馬。宛王不肯與。漢使妄言。宛遂攻殺漢使。於是天子遣貳師將軍李廣利伐宛。宛人斬其王母寡首。獻馬三千匹。漢軍乃還。

晉書西戎傳大宛去洛陽萬三千三百五十里。南至大月氏。北接康居。大小七十餘城。太康六年。武帝遣使楊顯拜其王藍庾爲大宛王。藍庾卒。其子摩之立。遣使貢汗血馬。

魏書西域傳洛那國。故大宛國也。都貴山城。在疏勒西北。去代萬四千四百五十里。太和三年遣使獻汗血馬。自此每使朝貢。

唐書西域傳寧遠者。本拔汗那。或曰鑿汗。元魏時謂破落那。去京師八千里。居西韃城。在真珠河之北。有大城六。小城百。貞觀中。王契苾爲西突厥曠莫賀咄所殺。阿瑟那鼠匿奪其城。鼠匿死。子遏波之立契苾兄子阿了參爲王。治呼悶城。遏波之治渴塞城。顯慶初。遏波之遣使朝貢。

三年以渴塞城爲休循州都督府。授阿了參刺史。自是歲朝貢。天寶三載。改其國號寧遠。

按漢書稱自車師前王廷隨北山波河西行至疏勒爲北道。西踰葱嶺則出大宛。康居奄蔡。今喀什噶爾爲古疏勒。其踰葱嶺必經鄂什。是卽古自疏勒西踰葱嶺出大宛之北道也。漢書休循在葱嶺西。捐毒與葱嶺屬二國。附葱嶺而居。西北皆當大宛。而捐毒稍東。其北尙與烏孫接。則自鄂什出葱嶺之道計之。

葱嶺西北爲休循。休循西北爲大宛也。休循
捐毒。爲今布魯特。說見前條。由是西北爲安集延
瑪爾噶朗。霍罕。那木干。塔什罕。皆有城郭土
著。與史記大宛土著有城郭之說合。則古大
宛地。當卽今安集延諸城無疑。元魏以洛那
國爲古大宛。云在疏勒西北。方位非誣。唐之
拔汗那。卽魏破洛那而更名寧遠者。應卽漢
大宛故地。東界西突厥。南接葱嶺。是以其王
契苾爲西突厥所殺。而以渴塞城爲休循州

者。境當葱嶺北原。本漢休循國地。是今安集
延諸城。在漢爲大宛。在唐爲寧遠也。

御製詩跋云。史記言大宛爲城郭之國。則正今之回
部。非哈薩克也。臣等紬繹

聖訓。考證方隅。如今之葉爾羌一帶回部。附近葱嶺。
雖與漢時大宛。相去不遠。尙在葱嶺之內。其
在葱嶺外者。爲今霍罕。安集延諸城。亦奉回
教。參互史書。審證方位。其爲大宛故壤無疑。

安集延。

安集延。在霍罕東三百八十里。東南去鄂什四
百里。去喀什噶爾五百里。西北爲那木干。西爲
瑪爾噶朗。北濱那林河。南接葱嶺。乾隆二十四
年。奉將軍檄諭令協擒霍集占。卽內附。專使籲
請入京師。
二十五年正月。其城伯克托克托瑪哈墨第等朝
賜宴瀛臺。其地北極高四十一度二十八分。距京師
偏西四十四度三十五分。

御製瀛臺賜宴安集延來使卽席得句

庚辰

奉檄猶慙力未宣

安集延奉將軍遣侍衛檄諭卽欲協擒霍集占兄弟以逆賊未至彼

境卽專使籲請入觀

右旋書捧使來專閉關難學漢光武謁陞

何期安集延西宛都稱到天上南蘭羣喜沐恩先

時拔

達山使尙未到

仰流嘉彼明於順三接應申錫賚駢

御製安集延七首

癸未

持短八長不踰尺應速用近兩刃窄水晶爲靶月芽
直筠沖插腰豫戒迫感我厚澤貢弗惜徒觀美理霜
雪色纏綿經冗金錯飾漆龍文鞞偃蹇奕自來非擬

鄧遵得錦袂襖更檀匣襲用昭絕域兵戈釋

瑪爾噶朗。

瑪爾噶朗在安集延西百八十里。北濱那林河。東與安集延接。南拱葱嶺。西有河。出葱嶺北山。北行入那林河。乾隆二十四年。侍衛達克塔納往撫其城。伊拉斯呼里拜伯克以其屬內附。其地北極高四十一度二十四分。距京師徧西四十五度十分。

那木干。

那木干在瑪爾噶朗城西北八十里。霍罕城東北八十里。南濱那林河。東西有水。出北山。南流入那林河。東北與布魯特雜處。乾隆二十四年。與霍罕安集延同時內附。其地北極高四十一度三十八分。距京師徧西四十五度四十分。東五十里。踰河爲塔爾罕。

按霍罕安集延。瑪爾噶朗。那木干諸部。跨那林河之南北。列城四五。應卽漢大宛別邑七十餘城。唐寧遠大城。六小城。百之故地。說並

見前霍罕條。又按唐時寧遠卽破洛那。其西南境。別有曹史康米諸國。卽康居五小王支庶。爲匈奴突厥所侵。西南依葱嶺者。亦應在今安集延諸城以西。其詳備見北魏隋唐諸史。爰摭錄故實而繫以論說焉。

〔北史西域傳〕康國者。康居之後也。遷徙無常。不恒故地。自漢以來。相承不絕。其王本姓溫。月氏人也。舊居祁連山北昭武城。因被匈奴所破。西踰葱嶺。遂有國。支庶各分王。故康國左右諸國。

並以昭武爲姓。示不忘本也。王字世夫畢。其妻突厥達度可汗女也。都於薩寶水阿祿迪城。名爲強國。西域諸國多歸之。大業中。始遣使貢方物。米國都那密水西。舊康居之地。無王。其地主姓昭武。康國王之支庶。字閉拙。都城方二里。西北去蘇對沙那國五百里。西南去史國二百里。東去瓜州六千四百里。大業中頻貢方物。史國都獨莫水南。舊康居之地也。其王姓昭武。字狄遮。亦康國之支庶也。都城方二里。北去康

國二百四十里。南去吐火羅二百里。西去那色波國二百里。北去米國二百里。東北去米國二百里。東去瓜州六千五百里。大業中遣使貢方物。曹國都那密水南數里。舊是康居之地也。國無主。康國王令子烏建領之。都城方三里。東南去康國百里。西去何國百五十里。東去瓜州六千六百里。大業中遣使貢方物。何國都那密水南數里。舊是康居地也。其王姓昭武。亦康國王之族類。都城方二里。東去曹國百五十里。

西去小女國三百里。東去瓜州六千七百五十里。大業中遣使貢方物。

魏書隋書載康米史曹何諸國與北史同。

唐書西域傳康者一曰薩末鞬。亦曰颯秣建。元魏所謂悉萬斤者。其南距史百五十里。西北距西曹百餘里。東南屬米百里。北中曹五十里。在那密水南。大城三十。小堡三百。君姓溫。本月氏人。始居祁連北昭武城。爲突厥所破。稍南依葱嶺。卽有其地。枝庶分王。曰安曰曹曰石曰米曰何曰火尋曰戊地曰史。世謂九姓。皆氏昭武。隋

時其王屈木支娶西突厥女。遂臣突厥。武德十年。始遣使來獻。高宗永徽時。以其地爲康居都督府。東曹。或曰率都沙那。蘇對沙那。劫布咀那。蘇都識匿。凡四名。居波悉山之陰。漢貳師城地也。東北距俱戰提二百里。北至石。西至康。東北寧遠。皆四百里許。南至吐火羅五百里。有野義城。武德中與康同遣使入朝。西曹者。隋時曹也。南接史及波覽。治瑟底痕城。武德中入朝。天寶元年獻方物。中曹者。居西曹東。康之北。王治迦

底真城。米。或曰彌末。曰彌秣賀。北百里距康。其君治鉢息德城。永徽時爲大食所破。顯慶三年。以其地爲南謚州。朝貢不絕。何。或曰屈霜你迦。曰貴霜匿。卽康居小王附墨域故地。史。或曰佉沙。曰羯霜那。居獨莫水南。康居小王蘇薤城故地。西百五十里距那色波。北二百里屬米。南四百里吐火羅也。

按唐書吐火羅居葱嶺西烏澗水之南。古大夏地。那色波亦曰小史。居吐火羅故地。東扼

金定皇朝西域圖志 卷四十五
葱嶺而於史國則稱其西距那色波南接吐
火羅。北史亦云史國南去吐火羅五百里。是
史國在葱嶺西北也。北史米國西南去史國
二百里。史國北去米國二百里。東北去米國
二百里。唐書史北二百里屬米。是米爲史直
北偏東二百里國。在葱嶺北也。唐書康國南
距史百五十里。東南距米百里。是康爲史直
北米西北百餘里國。在葱嶺西北也。唐書東
曹卽蘇對沙那。西至康。是東曹在康國之東。

而云南去吐火羅五百里。亦應在葱嶺西北。
以北史米國西南去史國二百里。西北去蘇
對沙那五百里之文証之。則東曹固在史國
之北。是以南去吐火羅與史國同也。東曹之
西爲中曹。南接康。中曹之西爲西曹。南接史。
而康之南境亦接史。是史國東西之境較長。
唐書東曹西至康。北史曹國東南至康。一專
就東曹而言。一兼中東西三曹國而言。故其
文不同。北史稱何國東去曹國百五十里。是

何國又居諸國之西也。總計史米曹康何五國。南北約四百里。東西六百餘里。在葱嶺直北迤西境上。以今形勢揆之。當爲霍罕。安集延諸城西南五百餘里內地。安集延諸城爲唐之寧遠。說見前條。由是西南行得曹米諸國。卽唐書所謂東曹東北四百里至寧遠者也。九姓昭武爲匈奴突厥所破。稍西南行依葱嶺者如此。旣遷之後。在漢大宛西南。依葱嶺。未遷之前。在漢大宛西北。傍祁連舊屬康

居五小王地。漢書所謂大宛西北與康居接。北道西踰葱嶺則出大宛康居者。於此可見。唐書稱東曹爲漢貳師城。猶在大宛境內。又云西曹者隋時曹也。隋書曹國舊康居之地。是則唐之東曹西曹。實漢之大宛康居交界處。益灼然矣。

塔什罕。

塔什罕。東北與右部哈薩克接。東與布魯特接。東南與那木干接。距喀什噶爾城一千三百里。

漢大宛康居交界處。唐則石國地也。地居平原。有城。以三和卓分轄回衆。曰莫爾多薩木什。曰沙達。曰吐爾占。向爲右部哈薩克羈屬。歲供差役。莫爾多薩木什者。哈薩克所置和卓也。爲吐爾占所逐。哈薩克以兵問罪於吐爾占。久而不解。乾隆二十三年。參贊大臣富德。追擒哈薩克。錫拉至其地。遣蒙固爾岱赫善等。往撫塔什罕回衆。及右部哈薩克。次軍於莽格特城外。以待之。蒙固爾岱赫善。旣諭哈薩克降。復憫回衆之

受兵也。將平之。召吐爾占未至。索諸野。方與哈薩克戰於河上。因諭以睦鄰守土之道。並宣示聖主威福。乃大感悟。與哈薩克釋爭相睦如初。遂遣其屬莫呢雅斯奉表降。

詔受之。其文曰。臣莫爾多薩木什跪奏。大皇帝。恭惟大仁至聖。普冒羣生。大皇帝。恭惟天使惠臨。臣土。臣不勝懽躍。奉承諭旨。若開蒙瞽。蠢茲邊末。敢備外藩。罔或有二心。所有準孽額什木札布。謹獻闕下。外臣草莽。冀隨

星輶仰瞻

聖容躬服

彝訓。回歸游牧。宣示臣屬。永永無極。誠忻誠慶。九月

莫呢雅斯來朝。

賜宴盤山靜寄山莊。與觀南苑大閱。及燈火。額什木

札布。阿睦爾撒納兒子也。從賊亡走。為塔什罕

所得。至是獻之。其地北極高三十度五分。距京

師偏西四十七度三十三分。由塔什罕西南行

七百里外。踰錫爾河。又踰那林河。為賽瑪爾堪

城。又西南為哈拉克則城。又西為烏爾根齊城。

又西臨達里岡阿鄂謨。西境盡矣。

明史西域傳塔失罕舊作達失罕今改正西去賽瑪爾堪

舊作撒馬兒罕今改正七百餘里。城居平原。周二里外。多

園林。饒果木。土宜五穀。民居稠密。

按北魏以降。康居五王。分為九姓。後稍西南

遷。居漢大宛西南。即北史所謂舊居祁連山

北昭武城。因被匈奴所破。西踰葱嶺。唐書所

謂始居祁連北昭武城。為突厥所破。南依葱

欽定皇輿西域圖志卷之四十五
嶺者也。今塔什罕城。在古康居大宛之間。當
葱嶺直北四百里外。必古所謂昭武城者。去
此不遠。是以南遷則依葱嶺。西遷則踰葱嶺
也。明代去今差近。達失干。卽塔什罕。其名不
易。所謂西去賽瑪爾堪七百餘里者。卽今自
塔什罕西南行。踰錫爾那林兩河而至之賽
瑪爾堪城也。

欽定皇輿西域圖志卷之四十五

欽定皇輿西域圖志卷之四十六目錄

藩屬三

拔達克山

博洛爾

布哈爾

愛烏罕

痕都斯坦

巴勒提

欽定皇輿西域圖志卷之四十六目錄

欽定皇輿西域圖志卷之四十六

藩屬三

拔達克山

拔達克山在蔥嶺中東南自喀什噶爾葉爾羌西南行六百餘里至其境有城郭部落繁盛戶十萬有奇其會曰素爾坦沙其國負山險扼蔥嶺之右頗擅形勢有河北流經博洛爾拔達克山兩部之間至葉什得拉克分流一流經北入圖斯庫爾一流道西南又北入於葉什勒庫勒

舊對音西
庫爾今改正

淖爾其北鄙之城曰斡罕其地

北極高三十六度二十三分。距京師偏西四十度三十分。在古當爲烏秣國地也。乾隆二十四年八月。波羅泥都霍集占。自葉什勒庫勒淖爾敗後。奔拔達克山。副將軍富德率師追之。遣使往諭其汗素爾坦沙。宣示波羅泥都霍集占負

恩悖逆狀。令擒獻。是時二賊方竄入拔達克山沙木爾伯克所屬之錫克南村。詭稱假道往墨克。時

沙木爾伯克適在素爾坦沙處。賊得乘間逸去。肆掠村落。及沙木爾伯克與將軍遣使遇。送致素爾坦沙。素爾坦沙因遵檄縛波羅泥都。而以大皇兵圍霍集占於阿爾渾楚哈嶺。賊退保齊那爾河。素爾坦沙以其屬進戰。賊不能支。傷背及膊。乳擒之。囚之於柴札布。柴札布者。拔達克山繫囚處也。素爾坦沙乃遣人詣軍門投款。報逆賊就擒。副將軍富德察其忠順。進使者撫諭。責令獻俘。進軍斡罕以待之。是時痕都斯坦方以兵

臨拔達克山。謀劫霍集占兄弟。而塔爾巴斯者。拔達克山讐國也。賊將通之。攻拔達克山。初素爾坦沙以二酋與已同派噶木巴爾派。欲縛獻。恐諸部不從。難之。富德曉以順逆利害之故。卽感悟曰。我屬爲

大皇帝臣。當同所惡。且豈忍以兩兇故。貽數萬生靈患耶。乃殺波羅泥都霍集占。波羅泥都屍身被盜。遂專函霍集占首來獻。率其部落十萬戶與博洛爾部三萬戶俱降。二十五年遣陪臣額穆

爾伯克等入覲。覲。貢八駿馬。賜宴瀛臺。並頒

勅諭嘉獎。時素爾坦沙與姪塔什瑪木特相攻。塔什瑪木特聞

勅使至。卽釋爭率屬內附。二十六年素爾坦沙貢刀斧。二十八年獻波羅泥都屍。及其妻子。並遣使來朝。是年拔達克山侵博洛爾部葉爾羌。駐臣諭還戶口牲畜。尋素爾坦沙以博洛爾部之齊

特喇爾為拔達克山舊游牧地。表乞給與。下

詔斥責。素爾坦沙隨奉表請罪。恭順有加。

御製驛章 己卯

中途驛章遞遠自軍營來啟篋急披視既慰又厘懷

拔達山遵檄興兵阻逃回 拔達克山汗曰素爾坦沙奉將軍富德等檄即親率

兵遮截逆會和卓木兄弟於阿爾渾楚哈嶺會退伏嶺下齊那爾小河相持再戰素爾坦沙並調拔達克

山屬沙木爾伯克 阿爾渾楚哈其嶺高崔嵬相持回

少却守齊那爾隈厥路乃四通薩嘛罕布孩 二回部名居布

魯特安集 獲否未可知遁或投其儕備悉報將軍回

字頭人差 先是逆會於伊西洱庫爾為我兵擊敗竄

詭稱欲赴墨克地方禮拜時沙木爾適赴拔達克山

汗所幼子在遊牧不知其詐也及沙木爾遇將軍遣

使即為供馬送致素爾坦沙而言前因葉爾羌為準

特馳報賊情且齋回字表具言前因葉爾羌為準

爾所有我等亦為大皇帝臣僕矣詞甚恭順 將軍正言斥

城我等均為大皇帝臣僕矣詞甚恭順 將軍正言斥

此語皆阻推二豎數百眾如雉往投毋不以時即擒

巧語將誰詒 彼叶中將軍富德等以軍營遣使未回而

竄時殘眾無幾又經拔達克山部內沙莽蘇爾阿

瑪伯克沙木爾伯克素爾坦沙汗各處俱云賊人被

殺馬駝被獲何至遲延未擒又云素爾坦沙與賊相

持之所路通薩嘛罕布孩各處或預為他時縱賊

地因書檄督責尅日勒兵在汝境為奉皇恩恢虞驚

傳送令即縛因以獻

汝老幼再遲兵臨哉

將軍等責遣回使時一面復宣示恩意以爾等部曲編小不忍

遠行移兵若不即擒賊則罪在爾等應早自為計因對使揀派偵探兵付副都統伊柱等帶領啟行并將

卡倫按隊外區畫頗中緊所惜少徘徊閱摺內部署

展以須繼進 獲宜惟我兵直抵拔達克山連界時未即窮追就馬力

實不進亦弗深督責

叶 縛獻斯事畢飲至凱宴開設

或更逸去數月復延挨迢迢萬里外機務親籌裁寧

辭午夜勞所期七德諧

御製副將軍富德奏報拔達克山汗素爾坦沙獻逆

賊霍集占首級並以全部納款稱臣信至詩以誌

事 己卯

采入殲渠逃望風情知三窟已途窮嘉茲識早獻馘

順笑彼悔遲跋扈雄和眾永看兩部定成功速在五

年中 西師之役始於乙亥春準噶爾汗達瓦齊即於是秋就擒各部款附嗣是辦理回部收城服眾

距今逆會授首統計歲事未踰五年

天恩如此昭優貺保泰彌殷慎勅躬

御製瀛臺賜宴拔達克山來使卽席得句 庚辰

歸俘獻馘識忠誠貢使隨來萬里行第一西方足嘉

國無雙天下此都京俾觀禮樂三千盛待賞烟花午

夜明重譯又須宣象寄

近始畧習回語可以不煩譯寄而拔達克山居極西語又

異於葉爾羌故仍須同人譯彼語也筠冲語異逮濛瀛

御製瀛臺宴拔達克山諸回部使詩以紀事

庚辰

遠使徠朝宴遣歸傾城憐彼戀依依燈宵剛度韶春

麗夜雨欣晴瑞旭輝乍可頒錫聯撒荔何妨卉服接

絲衣從來曰信大蒙重安爾耕桑永受禰

御製拔達克山八駿馬歌

庚辰

大宛駿馬斯已奇拔達山駿奇倍之方隅貢山南以

西獻馘稱臣誠識時良驥服阜納賚隨青驄送喜領

羣蹄捷音早共紅旂馳

右送喜驄

堅昆底定我馬歸鶻其

英鷲色其騏

右堅昆鶻

洱海

即伊西洱淖爾

一戰拳厥旗獲良翻

以徠白羲

右洱海驢

有駮紫電名雅宜掃塵滅迹追無遺

服遠在德不在威闕虎

舊上方十駮之一

已老茲其妃

蝦蟆一跳丈六齊掉尾肅肅白玉題

右玉題駮

呈覽

按隊過荷池祥霞輝映光配藜

右祥霞駮

逸足未騁望可

知籥雲底藉鞭筆施

右籥雲駮

徒觀骨格皆英姿揣稱且

命儒臣為天閑調習付有司待余秋獮徐試騎譬霍

集斯居京師

回部郡王霍集斯以擒達瓦齊及隨征功賜第留京城父子俱膺封賞蓋以望

族傑材不宜令歸 同部具深意焉 富貴之更教禮儀遊閭闔兮觀玉

臺叶初非求馬興戎麾銷兵從此含生熙

御製拔達克山汗素爾坦沙貢刀歌辛巳

獻馘早已嘉攄誠薄來厚往遣使行感恩致貢器用
呈佩刀一握偃月形兩馬先之白與青邊臣代進達
帝京出鞘麗水耀如星昆吾割玉古所稱銛鋒鑄出
浪人精寶鈿金錯太麗生皮室革帶堅且輕無所用
也方銷兵付奔武庫徵來庭

御製詠拔達克山汗素爾坦沙所進斧辛巳

崇 西域 校

素爾坦沙自獻俘奉貢夙著惻忱後因遣侍衛等
齎勅宣諭各部拔達克山復以使臣還朝疏進方
物中有斧一白金鏤錯文蓋回製所重也詩以誌
事且鏤諸函

齊斧方戡亂蠻書遂獻誠嘉忠頒厚賚貢物表衷情
肅肅喻由義蛾蛾叶利貞斧刀 蛾利 匠人 之貞 見太元經 匱藏無
所用聊識武功成

漢書西域傳烏秣國王治烏秣城去長安九千
九百五十里東北至都護治所四千八百九十

二里。北與子合。蒲犁。西與難兜接。山居田石間。有白草。累石爲室。民接手飲。其西則有縣度。去陽關五千八百八十八里。去都護治所五千二百里。縣度者石山也。谿谷不通。以繩索相引而度云。

魏書西域傳。權於摩國。故烏秣國也。其王居烏秣城。在悉居半西南。去代一萬二千九百七十里。阿鈎羌國。在莎車西南。去代一萬三千里。西有縣度山。其間四百里中。往往有棧道。下臨

不測之淵。人行以繩索相持而度。因以名之。

唐書西域傳。喝盤陀。或曰漢陀。曰渴館檀。亦謂渴羅陀。由疏勒西南。入劍末谷。不忍嶺。六百里。其國也。距瓜州四千五百里。直朱俱波西南。縣度山。北抵疏勒。西獲密。西北判汗國也。治蔥嶺中。都城負徒多河。其王本疏勒人。世相承爲之。西南卽頭痛山也。蔥嶺環其國。後魏大延中。始通中國。貞觀九年。遣使者來朝。開元中。破平其國。置蔥嶺守捉。安西極邊戍也。

元史地理志西北地附錄巴達哈傷今更正為拔達克山。

明史西域傳八答黑商應即元史之巴達哈傷均為拔達克山之訛。

在俺都淮東北城周十餘里民俗富饒。

按漢書皮山國西南至烏秣國千三百四十里皮山在于闐國西今自和闐城西行至拔達克山國都亦千三百餘里路適相當其國居蔥嶺南境四面皆山與班史山居田石間之說相合則今之拔達克山在漢為烏秣在魏為權於摩也又魏書載阿鈎羌國在莎車

謝登西南西有縣度山與漢書烏秣國西有縣度之說合莎車今之葉爾羌在拔達克山東北亦與阿鈎羌國在莎車西南之說合又權於摩國去代一萬二千九百七十里阿鈎羌國去代一萬三千里二國相距止三十里當屬毗聯之境疑漢時統為烏秣至魏乃分兩國東屬權於摩故去代較近西屬阿鈎羌故獨與縣度相接也唐書不載烏秣權於摩阿鈎羌諸國而有喝盤陀由疏勒西南六百里至

其國。今之喀什噶爾。古疏勒地。西南六百里。至拔達克山。道里相合。城居山內。河抱城東。所謂治蔥嶺。負徒多河者。形勢可驗。至元史舊載巴達哈傷。明史舊載八答黑商。均為拔達克山對音之訛。今元史明史俱經更正本音。與喀什噶爾之訛為哈實哈爾。塔什罕之訛為達失干無異。証以道里方位。亦往往而合。可以類推矣。

博洛爾。

博洛爾。在拔達克山東。有城郭。戶三萬有奇。四面皆山。西北面有河。乾隆二十四年。其酋沙瑚沙默特。與拔達克山同時內附。二十五年。遣使沙伯克等來朝。

賜宴。賚予優渥。並頒

勅書。二十八年。貢劍及斧。二十九年。為拔達克山素爾坦沙所侵。乞援于葉爾羌。駐劄都統新柱。諭素爾坦沙還俘罷兵。沙瑚沙默特表謝。并遣使來朝。貢匕首。宴賚如例。三十四年。貢雙玉櫛七。

首。其地北極高三十七度。距京師偏西四十三度三十八分。

御製博洛爾部沙瑚沙默特伯克所進武器製匣藏之並紀是什 癸未

文列星行光溢濤切崑璆似斷秋毫于闐西去千餘

里 博洛爾在和闐西幾二千里和闐即古于闐也 那數尋常玉櫛刀 宋開寶二年于

闐貢玉櫛刀

右回劍

齊斧言旋早洗兵更無拓遠祇持盈集鱗流仰靈當

拒厚往惟嘉底貢誠

右回斧

御製博洛爾部沙瑚沙默特所獻七首歌 甲申

風胡歐冶徒傳昔淬鋒斂鏑術誰核外域尙鬪防暴

迫必佩利器求精飭博洛小部自守域近拔達山時

被逼訴之守臣爲和息 拔達克山與博洛爾部接壤屢行構費圍城劫掠其部長

沙瑚沙默特乞援于駐劄葉爾羌都統新柱遣使誠諭拔達克山恪遵約束還俘罷兵沙瑚沙默特進貢

謝恩七首尤其 感恩獻此表食德出匣月芽光奕奕

斷蛟龍復剽犀革解紛懷遠斯堪式非同侈詡鄭遵

得

御製博洛爾部沙瑚沙默特伯克進玉欄雙七首詩

以紀事

己丑

戰于西極各安居表進佉盧弗改初雙器先之宜酌

納五年貢亦不為疎

是部隔和闐又二千餘里癸未年曾遣使進武器亦有詩

琳欄內鐵銜定璽璽室端銀鏤諸以短乘長休論彼

薄來厚往益懷予

按博洛爾部附近拔達克山應卽古烏秣國

地。

布哈爾。

布哈爾在拔達克山西乾隆二十五年回部底

平遣使頒

勅賚二十九年其部長阿布勒噶爾遣使諾羅斯伯

克達雅爾伯克因拔達克山素爾坦沙以其屬

內附其地北極高三十八度四十二分距京師

偏西五十七度三十二分當屬古難兜國地

漢書西域傳難兜國王治去長安萬一千五百

里東北至都護治所八百九十里西南至罽賓

三百三十里。

按布哈爾部在拔達克山西境。拔達克山為古烏秣國地。說見前條。漢書烏秣西與難兜接。則今布哈爾當為古難兜國地也。

愛烏罕。

愛烏罕在拔達克山布哈爾西南。部落最大。為古大月氏地。乾隆二十七年。其汗愛哈默特沙知西域底平。聞風慕義。遣使密爾漢等來朝。貢刀及四駿馬。

賜宴。賚予優渥。二十八年正月頒。

勅書嘉獎。遣使歸國。

御製愛烏罕刀。

癸未

西濛奉表馳使。伴獻名駒二。杼遠誠陪。臣乘傳達帝京。敬同諸部朝元。正豐饗曲宴。皆預令承筐幣帛。厚賜行繫密爾漢。密爾漢臣名感悅并貢刀。可否諮公卿笑而許之。聯彼情長。跪百鍊雙手。擎彎如碧水。弓在繫雖弗適用。器則精。刀取輕直。乃宜刺。斫此。刀彎如半弓。知不適用。上有白氣橫庚庚。不資磨瑩。漫理呈匣。度武庫誌。偃兵玉關開。

後通崑瀛既非招致來亦迎殷殷予意惟持盈

御製愛烏罕四駿歌 癸未

天山左右多回部聲教古艱通譯鞬分疆劃界各領
眾其名不可僂指稽愛烏罕實土著國遙在拔達山
更西遣使進表非招致淳泥蠟紙金字題先以乘馬
色不一嘉誠那責比物齊使者郵至早賜遣按程馬
到憐穿蹠曰驄超洱菊花簇度西海忽蹠金隄 右超
洱驄
昂藏之駟若歎玉用昭徠遠房星低 右徠
遠驄 有駉有駉
生月融一形十影耳竹批 右月
融駉 凌崑之駿色正白不

須鞭策行追覓

右凌
白

高逾七尺長八尺為龍一一皆

駉驄于闐董擅四五尺

見李伯時
五馬圖

伯時圖畫猶艷提

別毛按品予嘉號永誌底貢無乖睽所幸在此懼在
彼太保作訓吾將俟

御製命金廷標撫李公麟五馬圖法畫愛烏罕四駿

因疊前韻作歌 癸未

元祐頗亦詔聲教于闐董擅達狄鞬左麒麟院育良
駟鳳頭錦膊名堪稽以此公麟留妙蹟不脛乃入西
清西徒觀傳神及畫骨詎珍金蹠與玉題茲者致貢

愛烏罕昂藏有過無不齊泰西繪具別傳法

前歌會命耶世

益為圖沒骨曾命寫裏蹠著色精細入毫末宛然四駿

騰沙隄似則似矣遜古格盛事可使方前低廷標南

人善南筆樞舊令貌銳耳批驄駉駿各曲肖卓立

意已起雲霓副以于思服本色

耶世益所畫有馬而無人茲各寫執鞚人

一如伯時卷中法執鞚按隊牽馱馱以郎世益之似合李公麟格

爰成絕藝稱全提匪說攸聞垂往訓萬類一理終無

睽長歌漸匪工部健徒懷往作吟蘇溪

向題李公麟五馬圖起句

云杜陵題畫馬不一要貴取義非修辭又子美別蘇篔詩有贈爾秦人策莫鞭轅下駒之句

漢書西域傳南道西踰蔥嶺則出大月氏大月

氏國治監氏城去長安萬一千六百里不屬都

護東至都護治所四千七百四十里南與罽賓

接都嬌水北為王庭

後漢書西域傳初月氏為匈奴所滅遂遷于大

夏分其國為五部翎侯後貴霜翎侯邱就攻滅

四翎侯自立為貴霜王又滅濮達罽賓悉有其

國邱就卻死子閻膏珍代為王復滅天竺置將

一人監領之月氏自此之後最為富盛

魏書西域傳。嚙噠國。大月氏種類也。原出塞北。自金山而南。在于闐之西。都馬許水南二百餘里。去長安一萬一百里。去瓜州六千五百里。隋書西域傳。挹怛國。都烏澹水南二百餘里。大月氏之種類也。大業中遣使貢方物。

按愛烏罕爲今蔥嶺西大國。漢書南道西踰蔥嶺。則出大月氏。與今愛烏罕方位相符也。愛烏罕東南。接痕都斯坦部。痕都斯坦爲古罽賓國。說見後條。愛烏罕南與相接。亦與漢

書大月氏南接罽賓之說合。惟其境壤相接。是以貴霜王得滅罽賓而有之也。罽賓南與北印度接。五印度卽五天竺國。范史稱貴霜王于滅罽賓後。并滅天竺。亦其境地毗接之明證。又班書稱大月氏都媯水北。魏書稱其都馬許水。隋書稱其爲烏澹水。烏澹與媯爲音之近。烏澹與馬許則字之訛也。范史又稱天竺在月氏之東南。天竺爲今西藏。亦適當愛烏罕東南境。據此斷以愛烏罕爲月氏故

壞無疑。

痕都斯坦。

痕都斯坦在拔達克山西南。愛烏罕東。國工治玉以水磨。成器最精。為內地所弗逮。舊於葉爾羌貿易。乾隆二十五年。頒

勅書賜物。令通市如故。其地蓋北印度交界。北極高二十九度十五分。距京師偏西四十五度五分。當為古罽賓國地。

御製題痕都斯坦雙玉盤得十韻

戊子

蔥嶺接崑崙。痕都天竺藩。

向稱溫都斯坦。乃痕都斯。坦之誤。今考梵文。改正。以

新疆道里方向。證之其地。當由回部。過蔥嶺。至拔達克山西南。即其地。蓋北印度交界。說詳考訛篇中。

瓊枝產寶駁。水磨省工煩。

聞彼處治玉。以水磨。不以沙石錯。 秦冒徒

聞浴和闐。此溯源匪求。來不拒。弗韞賈堪言。盈尺區

寧論

去聲

成雙玉實存。中規仍瓣瓣。合度更渾渾。帶蒂

芳葩簇。通身翠葉翻。荒唐說沂水。

卞和之事。向會。有詩辨其誣。 約

畧比嬰垣謾。詡連城貴端。知五德尊。孫卿有佳喻。恭

已慎臨軒。

御製詠痕都斯坦玉墨瓶筆室

戊子

製出回中珍儲席上抽瑤笺則擬毛錐戢戢珥時
可比昭華貯隄糜則見墨海潭潭蘸處奚誇銀甕
琢成附體文房信具二難收便聯函壁府疑兼雙
珎蓋彼貴人所用供奉瞻章其來萬里而遙微慙
玩物為憶旁行左向緘祕笈者曾供削牘之書更
同四角中央詠瓣香焉試續銘盤之句

削木中書擬管城中土聚毫為筆外城削木供書猶存古製也橫行却向

左而行楚書向而行外城書多同惟回書雖旁行而向與漢書同宛看琢玉成

筆室更介為瓶貯墨卿點染瞻章供述事取攜湊便

恰恰情非珍新樣兼精玖用識同文異獻荆

御製詠痕都斯坦玉壺己丑

繽紛水葉翻水磨製嬰垣細入毫髮理渾無斧鑿痕

冰心欣可在仁色表斯溫典雅司空品買春且漫論

御製詠痕都斯坦滿尺玉盤己丑

考工未藉玉人為萬里從風貢自馳守伊犁將軍所進巧

匠由來琢喀嗎同之古巧匠名金神曾是守勳池規圓外復

出瓜瓣尺滿中仍結蒞蕤不寶華囂寶獻善王孫圍

語屢吾思

御製詠痕都斯坦玉椀 己丑

良璆出大蒙山石那須攻省力資水磨精鑄本鬼工
式成瓜列瓣氣吐草垂虹曾未三臆伐

平定回部師未至痕都斯

坦 貢原西旅同

御製詠痕都斯坦荷葉杯 庚寅

痕都斯坦玉杯一圓橢作荷葉形附有蒂曲柄環
之旁出艾葉二達於杯唇卷其上可執瑩薄如紙
惟彼中匠能之內地玉工謝弗及也

四疊團荷葉雙牽長艾枝製非出華夏巧實勝般倅

撫處不留手琢時那構思旅葵垂法語三復畧慙斯

御製詠痕都斯坦玉盤 庚寅

崑嶠產瑤琳秦蒙每獻琛薄來雖厚往不寶惡攸箴
附鄂承還疊英華燦且沈錦囊珍什襲可復憶雲岑

御製題痕都斯坦玉杓 庚寅

掌非周玉府攻自秦西瀛絕勝舒州杓何須力士鐺
璞原誤荆國蕊特艷昌城試問宜誰贈應調傳說羹

御製詠痕都斯坦玉椀 庚寅

郵從西土蕊簇四面重臺碾出筠浮暈若兩旁抱

珥貢效泰蒙包匭來隨都護歸輶用是摛吟以代紀實

截肪出秦冒製椀自痕都形色雙相合磨礪了似無
葉翻含蕾耳瓣發抱花跌通道恒來貢懷柔義厘吾
御製題痕都斯坦白玉盃 庚寅

懿此嬰垣玉出惟瑜次山色真勝霜雪器豈類釵環
設貢岐周際應陳琬琰間車礪定何物八斗費言艱

曹植有車渠盃賦

御製題痕都斯坦白玉盤 庚寅

周尺將盈尺斯盤乃是盤幾曾掌玉府見說鬻都丸

拔達克山迤西至痕都斯坦掌貨稅者皆謂之都丸圓似月輪滿薄于楮葉單

截肪置其裏辨質信應難

御製詠痕都斯坦玉甌 庚寅

荷柄曲擎一朵花旁生兩蕾致堪挈琢由西海如甄
甌製弗東周有虺蛇栗纈圓雕粲瑤蕊髮絲微起尙
瓊華奇珍不脛還常至空谷白駒歎轉遐

御製痕都斯坦白玉盃 庚寅

痕都滂玉出河濱水磨 去聲磨 平聲成製絕倫百瓣細攢

穩承足雙葩夾輔巧持脣瓊瑤自古來西域精緻而今勝玉人不以飲醪以啜茗戒哉惡旨久書紳

盃圓而橢口四出跌攢菊英下圍敷葉十二左右長葉各一上出及盃脣稍外偃復有兩花下垂承以短葉可用執玉既瑩淨製薄如紙良材巧琢非中土玉工所能髣髴也

御製題痕都斯坦菊花碗

辛卯

徑一圍三尺有餘水磨工異考工書耳垂翻出雙苞綴足砥紛承碎瓣舒包貢却非來玉隴

和闐所屬城名

通商

恒是走渠胥

痕都斯坦猶在拔達克山西南彼處商人時持玉器來鬻葉爾羌

菊花

依舊重陽節合贈淵明五柳居

御製詠痕都斯坦玉盃

有序壬辰

製出月邦貢來蔥嶺撫碧琳之溫潤拳芳艾之歲
蕤腴琢連城闔圃宜承晞露花開四照善卷正艷
秋陽惟置盃取義乎益安而銘器寓懷于非寶

四出形如秋海棠葉翻雙耳執承漿瓊英那許熏池
守垂草當生敖岸陽冷語譁囂漫致誚溫容勿穆自
含光泰西製豈能知古喻水休論圓與方

御製詠痕都斯坦玉碗

有序
壬辰

璞韞崑山鏤傳印度卷芳莖而環耳攢花纈以承
跌晶瑩一規允彼良工巧琢琢縈五字嘉茲寶器

恒來

西崑率產玉良匠出痕都楮刻異三載水磨成百瑜

製精畫難比器鉅執如無不寶非求彼頻來却慙吾

御製痕都斯坦玉瓜瓣瓢

癸巳

玉瓢一握如瓜瓣有蒂有葉還有花和闐出玉不能

琢

和闐雖有玉工而不能精琢精琢者皆出痕都斯坦彼處亦出玉蓋愈西愈近崑崙矣

琢自

痕都萬里遐崑崙之岡產美質喀嗎水磨攻錯加製

為飲器可攜帶清泉舉酌勝烹茶異域都大尚武備

以獵以戰隨操挈是蓋彼中貴者用非棗乃似安期

瓜弗徵弗索聽貿易近利市至三倍奢徒置棊几佐

文玩殊方聲教奚事誇却笑投贈許顏輩棄而弗顧

當興嗟

御製詠痕都斯坦玉燈檠

癸巳

遠域逮西瀛崇崑產翠瓊省工有水磨巧匠作燈檠

那更稱銀燭雅宜燦玉瑛跌承盤一具柄置盞雙撐

綴芬層翻葉昂藏獨挺莖寧誇高七尺真足重連城

善市由他致

同人皆善賈痕都斯坦雖地當印度絕遠而懋遷每至葉爾羌故今恒得其玉

器聞其攻玉純用水磨工省而製精尤內地所不及也

頻來亦自驚似茲供繼

照藉可贊離明

御製詠痕都斯坦小玉合

癸巳

崑嶠產瓊琪良工精琢之爛然七寶聚斐若五花披

漆製徒博古金鏤詎足奇南山藍玉合雅似李家詩

御製詠痕都斯坦玉梳

有序甲午

刷出雲映擎來雪梳磨是西濛之水搗殊北斗之

漿園規徑四寸而羸輕毅比五銖以薄截肪既美

超魏札鏤冰况巧壓吳工無翼斯飛有懷竭詠

良球本是出崑墟中

去聲

器成珍亦鮮

上聲

如巧製水磨

貽喀嗎

古時同巧匠名

羞稱吳匠富專諸

吳中玉匠多居專諸巷

羊脂

比色脂嫌膩楮葉方輕葉欠疎精玩弗求迺頻致每

因擎用率慙予

御製題痕都斯坦玉飲器

甲午

西崑玉工巧無比水磨

去聲

磨

平聲

玉薄如紙製為飲器

佐間盃形異梓人載周禮半匡菱荷葉翻上一朶蔭

葡萄花承底又如老蚌擘方諸映月分明欲生水撫不知痕視知痕何以措思何運指奇技直擬下增椎徐觀又復弗忍耳

御製詠痕都斯坦玉瓜瓣飲器

甲午

天方瓜樣夥此器肖瓜形瓢訝留斯白皮寧藉彼青一花承妥貼五瓣列勻停貯水鄭門市擎漿裴驛亭種疑召家圃泣匪楚王庭綿綈雖徵雅賓夷亦惕經御製詠痕都斯坦白玉杯六韻

有序甲午

瑩比截肪薄疑鏤翼質輕且美五銖機若仙成制

巧而精十合規由神運磨水既泯茲圭角貯冰自徹彼中邊徠遠足珍詠懷非寶

稷翼出奇質良工心運靈作杯成照世映斗見明星

禮含文嘉曰玉石得宜則太白常明

耳葉翻而拱身花勻且停磨礪泯

楞角攢簇鎖瓏玲在手疑無物定睛知有形自應生

穆濯那可酌湘醴

御製題痕都斯坦玉荷葉洗

甲午

色如截肪薄如紙西崑玉人巧無比那知士禮設東榮萬里流沙亦有此器同其製畧弗同荷葉為形柄

曲委讀阿里卜同書名讀其書者必始于此通漢書寓義依然是

承水

御製詠痕都斯坦古玉瓢乙未

痕都玉器來已夥似茲舊物誠罕覩製既樸雅非華

囂質亦渾然穆而古瓠可酌水斯象之細腰大腹如

剖腐皮畧為瓣疑就模瓠無瓣此器外皮有瓣上林以模夾葫蘆成器者乃有之

或外國葫蘆本有柄孔穿繩便攜取瓢飲由來古所

稱而彼那知顏與許喀嗎匠琢為眉哩汗名用戰獵佩

之隨步武賁來中國兩無藉數典難尋周玉府宣和

刻印非所云洞天青錄宣和御寶建初脫粟儉堪祖漢章帝紀

有恨不能瓢飲文房真稱去聲伴清吟偶用輒因懷杜

甫杜甫詩瓢飲惟三徑

御製題痕都斯坦綠玉盤乙未

量材為器匪瓊英此玉盤品乃中平而製絕精巧蓋以掩其不逮也工緻訝

難意想成喀嗎同語以匠匠能逞彼巧專諸人或遜

其精蘇城玉人多相金釘寶撫無迹簇葉攢花視有

情每憶旅葵篇著訓摛吟還覺愧平生

御製詠痕都斯坦玉盤

初琢繼磨細花攢葉簇精目原觀其疊手乃撫之平

表裏都圓潔色形若混成新疆歲貢果三品恰宜盛

回部歲貢蘋果石榴木瓜三果每以盤貯陳設向會與乾清宮西暖閣几上虎鐫內所供之吉祥草同繪

為歲朝圖因以聯句

御製題痕都斯坦瓜瓣瓢 丙申

脂白原非綠綠何形作瓜庭堅臉如削顏子巷曾挈

蔓自青蓮葉背還黃綴花考工當致愧攻錯若為加

御製題痕都斯坦玉椀 丁酉

年班伯克入朝觀 伯克回部官名而職掌及名號各不同其曰阿奇木伯克總理一城

事務若內地之品級則自三品至七品不等皆以城

之副都統其品級則自三品至七品不等皆以城

大小為差又有噴哈資伯克納齊伯克納管地畝錢糧商

匠役摩提色布伯克司水經都管密圖巴哩伯克司買

賣田產密拉布伯克司水利都管密圖巴哩伯克司買

及文移等事巴濟格爾伯克司管密圖巴哩伯克司買

爾伯克司果園什瑚兒伯克司管密圖巴哩伯克司買

伯克承催錢糧帕提沙布伯克司管密圖巴哩伯克司買

本城本村一切事務及雜項差務克巡捕事雅拉克伯克

司外來貿易稅務哈資伯克司教幼童經卷塞依得爾伯

水利事默克塔布伯克司教幼童經卷塞依得爾伯

大司街道巡察及園木事務各城之繁簡為率其職掌

相沿已久官名悉仍其舊而選補則由駐辦大臣等

核定奏聞茲敘其大畧其詳則于西域與圖志備載

之包貢呈由典屬官崑嶠良材中孟椀痕都巧製

泯雕剗食芹負曝通誠遠厚往薄來折賞寬

回部貢物所司

例應折賞今倍其直予之以示柔遠

不貴異物賤用物慚仍民足致艱

觀

漢書西域傳罽賓國王治循鮮城去長安萬二

千二百里不屬都護東北至都護治所六千四

十里其民巧雕文刻鏤出珠璣珊瑚琥珀壁流

離

唐書西域傳西天竺與罽賓波斯接罽賓居蔥

嶺南距京師萬二千里而贏貞觀中遣果毅何

處羅拔等厚齎其國并撫慰天竺罽賓王遣人

遵護使者至天竺

按五天竺一國即五印度唐書稱罽賓居蔥嶺

南與天竺接導引唐使者至天竺其國在印

度交界可知伏讀

御製詩注痕都斯坦為北印度交界揆其方位與罽

賓為近是矣又漢書罽賓國民巧工雕刻出

壁流離今痕都斯坦治玉精巧甲于西域其

俗亦相似也

巴勒提。

巴勒提。在博洛爾南。東接土伯特。西接克什米爾。又西接痕都斯坦。南接哈普倫。中有長河。其地北極高三十一度五十分。距京師偏西四十五度二十八分。分兩部落。其酋默默斯帕爾。烏蘇完。分統之。各八千餘眾。舊在葉爾羌貿易。乾隆二十五年六月內附。令通市如故。
按巴勒提部。在痕都斯坦東。痕都斯坦為古罽賓國。巴勒提與之附近。應屬罽賓國東境。

欽定皇朝西域圖志卷之四十六

欽定皇輿西域圖志卷之四十六

